

春温痢症三字訣合璧

午 1
4



春痢

溫症

三

字

訣



北京中医药大学图书馆版权所有

光緒乙未仲夏
袖海山房石印



南京中医药大学图书馆版权所有

春溫痢症三字訣合璧序

黃炎已邈仲景又不復作醫學晦盲至唐宋元明而
極吾友唐君容川固已辭而闕之矣唯所著方書淹
貫中西或頗深邃以訓醫家不求便俗計唐宋以來
方藥譌謬殺人最甚者莫如春溫秋痢二症是非有
淺顯歌括臨時繙檢未易查治先是有友自蜀中來
攜有成都張子培所著春溫三字訣頗愜余心已早

付諸石印獨於痢疾尚未發明諸家論說俱不足恃
因懇容川續成一卷合印濟世昔孟子云窮則獨善
其身達則兼善天下方今時局無勞吾輩杞憂顧此
刀圭亦名小善竊推仁術冀拯斯民伏願醫家急圖
變法病家勿更因循實余所厚望焉是為序

光緒二十一年歲次乙未夏五月夔門鄧其章謹識



成都張子培先生道裁聞名醫以時人往來
素溫為傷寒覆轍相循乃著三字訣刊行問
世先生墓生宿學有年矣門人吳士光學博
績列於富順學署光緒壬辰携此書北上二月
十九日抵申江適聞賓州公車門人李紹西以
春溫致客邸嘆乎紹西少教子六歲春溫為
是以困之客午不幸未過馬齒風傳早到決日
紹西亟死殫亡之命矣夫亟出而帶本決袖
海山房印二千卷以到散布商諸業斯術
者子培以名流生精研內經意紹西披數十

年淵乎有心得書中方藥起死回生已更僕
結如所願仁人君子無易視之蒼生幸甚
光緒壬辰上巳

祥符王宮午冬冰氏題於海上客次



春溫三字訣

成都張子培先生著

夔門鄧其章雲航校印

溫為病雖分類

後世有風溫濕溫暑溫瘟疫等名。方書更創出大頭疔瘡等瘟名。愈多。治愈亂。予所論者。風溫也。知此則一以貫之矣。

當顧名思其義

既曰溫。則非寒矣。今醫之不能治此。由於不識其名耳。名且不識。從何施治。

仲景書發凡例

仲景太陽篇一節。為溫病之祖。傷寒論中。特為提出立論者。謂此症與傷寒迥異也。不出方者。謂書本為傷寒而作。論少方少。恐其掛一漏萬也。論多方多。恐其強賓壓主也。

後之醫仍寒治

劉河間張子和李東垣朱丹溪辨焉不精。語焉不詳。然猶不敢妄用參朮薑附也。

春溫三字訣

至張景岳薛立齋輩則妄用矣。仍是治寒法也。

方藥雜。死亡繼。

後人九味羌活湯。人參敗毒散。逍遙散。香蘇飲等。皆知不敢用麻桂而設。似已親見一斑。然而仍用辛溫。百治百死。不過較用參芪朮棗者。差緩湏臾耳。

傷心目。三字贅。

仲景本論。祇九十二字。字字是溫。字字不是寒。今人以治寒法治溫。百治百死。即有身體強壯。幸而不死者。則有拖延日時。傾破家產。熱邪久留於臟腑。新邪引動於經絡。至他年重感。亦必身死。滔滔皆是。喚醒無從。予目擊心傷。此所以有無字訣之作也。

何謂溫。溫是熱。

既名曰溫。則非寒也。今醫強名此症為寒火。名不正。則言不順。事不成矣。

與傷寒殊懸絕。

如此辨明。而仍以寒法治溫病。用桂枝湯。麻黃湯。葛根湯。小柴胡湯。不肯用心。甘

願殺人者。吾知其報在子孫矣。行道者。宜何如之。兢兢哉。

初起時。口渴別。

傷寒初起不渴。溫病初起即渴。以此分別。然溫亦間有不渴者。但渴者多。不渴者少耳。

不惡寒。惟發熱。

仲景云。太陽病。發熱而渴。不惡寒者。名曰溫病。

共十六字。予另有註在後。

按漢文簡質。此症初起。多有微惡寒者。斷無不發熱者。但二三日。則全不惡寒。惟發熱矣。此症初起。間有不口渴者。但二三日。斷無不渴矣。且傷寒多左手。脈大。於右手。溫病脈多右。大於左。溫病初起。多兩寸。脈大。右寸尤盛。

附子培註仲景原文

單行為原文。雙行為予註。

張子培曰。悟溫病者。古有劉河間等。今有薛生白等。然亦未將太陽病溫病。五字分清。夫既曰太陽病矣。何得發熱云云。又曰溫病。今特拈出。以見狂瞽者之千慮一得。

太陽病。

或已發熱。或未發熱。必惡寒。前有明訓矣。且太陽病初起。斷無渴症。今

發熱而渴。

不惟無必惡寒之症。而且發熱。更加

而渴。如者。太陽病也。吾得確而指其名曰。

溫。是即內經冬不藏精。春必病溫。冬傷於寒。春必病溫之。

溫病。

麻杏湯有神力。

用麻黃湯桂枝湯者。無論矣。用人參敗毒散逍遙散者。亦以五十步笑百步也。亦可無論。即薛一瓢之前胡桑皮鉤藤等。葉天士之桑葉菊花牛蒡等。吳氏祖薛葉二家用銀翹散桑菊飲。可謂此症暗室一燈。然予以為不如仲景麻杏石甘一方。為如神也。故予每用銀翹桑菊二方。皆加生麻絨七八分。或一二錢。功效倍於本方百倍。但此症初起。麻黃可用。至二三日後。舌變胭脂色。則風盡化熱矣。麻黃斷不可用。用必危殆。以麻黃大熱故也。

或銀翹。或桑菊。

銀翹散為辛涼平劑。桑菊飲為辛涼輕劑。白虎湯為辛涼重劑。吳鞠通法也。受甚以辛涼解表劑。

或謂傷寒宜解表。溫病忌發汗。夫傷寒解表。令外出也。然則溫病忌汗。令內入乎。

不通之甚。蓋傷寒以辛溫解表。溫病以辛涼解表。解表同。而辛溫辛涼大異焉。昧者無論矣。乃高明之家亦出此語。甚矣。結習之難除也。

誤辛溫變重病。

辛溫辛涼。乃此症之生死關頭也。時醫畧而不講久矣。

小遷延大殞命。

言誤治之害有如此者。但近日醫家不究見識之非。病家不悟醫人之誤。皆曰生死有命。吾亦曰生死有命而已。

口大渴津液傷。

此症始終以救津液為主。甘寒法也。陳修園謂四逆湯麻黃附子細辛湯等以附子而救津液。雖在傷寒終屬強解。況溫病乎。今人一見溫病。陽極似陰。妄引陳氏言。竟用薑附。着眼着眼。

或白虎承氣湯。

此症若先以辛涼解表。繼以苦甘化陰等法。無不愈矣。因誤治變重。非二湯力不



能勝。

雖熱飲亦屬陽。

間有口大渴。而飲熱湯。不肯飲冷。且畏飲冷。更有舌為沸湯起泡者。此陽極似陰重症也。時醫一見飲熱。皆謂陰症。妄投桂附。下咽立斃。特為拈出。切忌切忌。治之法。急下良。

急以三承氣湯。選擇用之。或白虎。亦有有用者。但此法祇可用在風溫。若別症喜熱。多屬陽虛。本宜薑附。妄用承氣。立斃。慎之。

若謔語。舌紅黃。

此症全憑驗舌。初病多無苔。然舌色必紅。便宜辛涼解之。丰表丰裡。則白。入裡則黃。甚則黑色。難治矣。

在包絡。非胃腸。

傷寒謔語。承氣下之。邪在腸胃也。此症邪在包絡也。非一下可解。竟用承氣。誅伐無過也。特為拈出。

用紫雪。清宮湯。

輕症清宮湯。及清絡湯可愈。若重症則不可恃矣。須得紫雪。

與至寶。及牛黃。

紫雪。至寶丹。安宮牛黃丸。三方。芳香解穢。清輕透絡。鎮重安神。寒涼退熱。真此症起死回生神方也。

至病久。氣液損。

傷寒傷陽。故用甘溫。溫病傷陰。宜用甘寒。甘溫甘寒。又此症之生死關頭也。切記。

切記。

宜甘寒。補而潤。

如復脉湯去薑桂大棗。竹葉石膏湯去半夏。甚去人參。甘寒法也。即喻嘉言清燥救肺湯。亦可間用。若氣液傷損。兼大熱譫語。是體已虛。邪仍實之候。最為危症。予每用炙草五六錢。以大補中氣。生地麥冬各一二兩。以滋陰液。大黃芒硝各四五錢。及七八錢。以蕩實邪。應手而愈多矣。但症危如此。必憑脉以驗症。脉弦者生。脉

瀋者死。脉弦為陰氣未盡。脉瀋為陰血已竭。所謂陰症見陰脉是也。

即下利二甲症。

傷寒下利。非白通四逆不能回陽。此症下利。只用龍牡鎮瀋存陰而已。不用溫補也。然此就久下利而言。故用堵塞法。若在病初。身熱口渴。下痢舌黃。胸痞脉數。此又溫邪下注大腸之症。所謂協熱而利是也。當用黃芩葛根桔梗豆卷之屬。以升泄溫邪。二症辨之不清。生死立判矣。

變紛更此大概。

予所閱歷者。有用大黃七八錢。芒硝四五錢。下至二十餘日而愈者。成都府廩生百善。敘州府庠生張正是也。有先用芒硝大黃三五錢。服一劑而病大增。次日眾謂藥誤。予謂病重藥輕。硝黃各加一二倍而愈者。鹽署典史林竹齋。華陽監生江曉帆是也。有病已大減而為寒阻遏。下不能通。先用理中微加附子一小劑。以驅其陰。腹痛即止。更用六味湯加大黃。以養陰蕩邪。一劑而愈者。則彭雲峯之長子也。有誤汗誤下。誤用滋膩。誤用苦寒。病至十五六日。壯熱不解。予自遠歸。遵喻嘉

言先生法。用麻黃附子細辛湯一劑。而熱清去十之八九。後用回陽法。畧帶養陰。施治半年餘而愈者。則予子小培也。按後二法。風溫中百難一見者。不可輕用。凡此者。不可勝數。蓋此症變遷極速。極歧。茲不過言其大概。然而會心者。處處與傷寒對看。可即始以見終矣。

知寒溫能涵蓋。

凡病不外陰陽。知治傷寒。能治陰病矣。知治溫熱。能治陽病矣。雖有陽極似陰。陰極似陽。陽七陰三。陰七陽三。陰陽錯雜之不同。而理本一貫。認的陰陽。投無不利矣。

一切病迎刃解。

此二病。萬病之綱也。綱舉則目張。萬殊可歸於一本。目張由綱舉。一本可發為萬殊。即以此症而推。彼如吳又可所論之瘟疫。是天地之厲氣。刀兵饑饉之餘。人從口鼻而受者。老子所謂大兵之後。必有凶年是也。其症大寒大熱。口渴身痛。脉浮洪而數。全類傷寒風溫。惟初起滿口舌苔白而且厚。或有黃色。甚則黑矣。面如油。

垢。即是。的。症。用。達。原。飲。如。神。且。非。此。無。以。搗。銳。而。攻。堅。彼。陳。修。園。吳。鞠。通。舒。馳。遠。輩。竭。力。訾。詆。胡。為。哉。又。如。疔。瘡。瘟。初。起。與。寒。溫。同。惟。頭。面。疔。瘡。如。無。名。腫。毒。然。用。銀。翹。桑。菊。二。方。加。減。亦。效。然。不。如。升。降。散。之。靈。妙。敏。捷。也。又。如。濕。溫。初。起。與。前。三。症。亦。同。但。舌。上。有。苔。而。薄。胸。膈。痞。悶。口。渴。不。喜。飲。水。即。飲。亦。不。能。多。受。為。獨。異。或。四。肢。骨。節。麻。木。酸。疼。法。宜。辛。涼。淡。滲。如。滑。石。木。通。杏。仁。半。夏。及。苡。仁。厚。朴。竹。葉。菖。花。荊。芥。之。屬。秋。燥。初。起。以。肌。膚。燥。燥。神。氣。衰。少。為。獨。異。有。外。感。者。蘇。葉。荊。芥。薄。荷。玉。竹。石。膏。梨。皮。麥。冬。貝。母。之。屬。無。外。感。者。喻。氏。清。燥。救。肺。湯。滋。液。救。焚。湯。之。屬。法。宜。辛。涼。清。潤。一。切。外。症。可。由。此。正。面。推。即。一。切。內。症。可。由。此。反。面。推。矣。但。難。為。不。肯。讀。書。不。肯。用。心。者。望。也。

附方

麻杏石甘湯

麻黃

四錢

杏仁

三錢

石膏

八錢

生甘草

二錢

張子培按

分兩必須因病輕重加減不可竟用古法。